

NA PODRUČJU ZDK U MARTU/OŽUJKU SMANJEN BROJ NEUPOSLENIH OSOBA ZA 1.124

Zahvaljujući dobrim poticajnim programima upošljavanja i samoupošljavanja, koji se financiraju po Uredbi Vlade FBiH i Federalnog zavoda za zapošljavanje, a koje implementira JU Služba za zapošljavanje ZDK sa našim poslodavcima vidljivi su i pozitivni rezultati istih.

Samo u proteklom mjesecu na području ZDK broj neuposlenih osoba je manji za 1 124. Prema statističkim podacima Porezne uprave FBiH (Kantonalni porezni ured Zenica) broj uposlenih osoba na dan 31. 3. 2016. god. u ZDK iznosi 80.301, a broj lica koja se nalaze na evidenciji neuposlenih osoba u ZDK iznosi 68.384, što predstavlja razliku uposlenih/neuposleni za + 11.917 osoba. U posljednjih desetak godina, a vjerojatno i duže, ovo je najveća razlika između uposlenih i neuposlenih osoba u ZDK.

Najveće smanjenje broja neuposlenih osoba u martu/ožujku je registrirano u Zenici (-350), zatim u Tešnju (-195), Visokom (-139), Maglaju (-129), Zavidovićima (- 79), Kaknju (72), Žepču (-42), Brezi (-37), Olovu (-34), Doboj-Jugu (-22), Varešu (-20) i Usori (-5).

I u narednom periodu za očekivati je još veći porast uposlenih osoba jer se implementacija, gore navedenih ali i drugih programa upošljavanja i samoupošljavanja na području Zeničko-dobojskog kantona nastavlja.